

家
規
族
約

世道日繁子弟之習日趨浮薄有父兄之責者若不嚴明勸戒以挽頽風恐將流蕩而忘返也因不揣固陋而作族約族約之義與鄉約學約畧有不同卿約學約可以女義曉諭族約則惟取切近明達人人易於通故其體不避淺俗也識者諒之

一勸守祖訓

祖者生人之所由來也祖訓者家道之所由立也我族自震公以清德起家關西教澤昭示來茲清白之遺視金玉田宅為渝厚矣嗣其後者當肅承獎訓仰紹清風出以報國人以承家庶不墜累世掌環之緒若崇信異說捐葉詒謀仰無以綿世德之休俯無以後昆之矩則祖訓將失家道其何恃以立乎願我族人其慎守之

一勸孝父母

父母生子自孩提以至成人鞠育備極勞苦兼之教讀婚配凡為子終身計者無不詳盡誠所謂欲報之德昊天罔極者也此即竭力奉養猶恐子道未盡乃近日人子多習於驕奢淫佚多藉口

西人之說以致分財異居其不分者又或順妻縱子言動自由釀成種種悖逆按之家法豈復能從寬免乎夫五刑三千罪莫大於不孝古人責重人子何等嚴切嗣後族人務望思恩報本各以孝道自盡慎勿妄隨時俗致犯此莫大之刑也

一敬長老

家庭內年尊分尊者敬以事之宜矣即族中父老戚鄰長輩凡飲食言語行坐等事必循序推讓毫不爭先方為有禮也此不獨重其年高也蓋老成人閱歷必多識愈深則慮愈周我優待之敬問之瘦益不淺也近目少年習奢華好新奇輒輕前輩為無知不特狎侮老成卿族必目為不肖子且異日自至年老亦必為少年所侮辱易地而觀可不猛省乎

一勸和兄弟

古語云世間最難得者兄弟又云見弟和家之肥誠以兄弟者與我同胞情親誼切憂喜相關可恃者無過於此兄弟和於內則其家必興外侮自無由而入內而兄弟不和則家中既事權不一而外侮亦乘間而迭至矣況兄弟閱牆猶能外禦其侮可見手足之親安樂或相忘患難則必相

救也族內如有聽信婦言乖離骨肉或外厚交遊而內薄天倫者

一勸教子孫

子孫而賢固不待教子孫而愚教之亦無大益惟介在贊愚之間者則教之甚為難緩蓋質近於賢擴而充之上可以成德業識高於愚誘而進之次可以治身家是光門第紹其裘皆從教中來也若姑息寬縱棄而不教則挾其近於賢高於愚之姿或為流病為游民甚或犯上作亂敗家聲而辱祖父豈不甚可惜哉豈不甚可悲哉

一勸厚積累

世界上世家名族無不從積累而來其子孫賢達衣冠照耀是何等榮幸我誠能厚其培植使根深而蒂固焉安知他日不與並美若因目前零落或有施舍而未報遂謂積善為迂濶遂欲舍忠厚而從刻薄敗本根先喪

敗矣安望枝葉之榮茂乎故善積累者必始於不報終於無怠志則德愈豐而報愈厚雖遲速有時而天理必無或爽

一勸重讀書

人家無論貧富課後讀書最為長策其材質高者學成名立幹家棟國顯楊固不待言即文章有時憎命或性質僅得中材然既能讀書明理自能束身寡過其文理之清通品行之芳潔上則官師優待之次則鄉族推重之後進之聰穎者又籍其善誘以共成之習他業者能有此幸事乎

一勸務正業

人能務正業無論士農工商皆河興家蓋所習有既屬止業則其身既正所言者必正事所用者必正人內而婦女恪守防閑外而工後動循規矩邪說淫辭所必斥遊蕩戲謔所必戒又朝夕勤動加以儉約則家道必興鄉黨必利為正人子弟亦得守家法矣

一戒誤交遊

朋友為五倫之一本不可廢且人生學識得力於友助者正自不少是交遊固宜重也惟是不正之友所言者多屬淫詞所行者多屬邪事且其花言巧語比正人之言更為好聽苟談信之則引入奸邪之路而迷惑不自知矣世間少年子弟為此種朋友所誘惑者其事甚多受害最大且後

悔無及切宜慎之

一戒習牌賭

牌賭之風至今日猶存牌賭之律亦至今日更加嚴懲蓋時局穩定人民生活提高遊趟好閑則藉以牌賭耗散財產不務正業為害大矣法律所以必嚴禁也況賭博之名為人人所鄙賤世俗至呼之曰鬼有志之人奈何受此惡名乎且輸錢則父母怒罵妻子怨恨子弟效尤者又不便於約束亦何樂而必為此乎若能一朝悔悟以賭博精神而為正事以賭博錢財而為正用則既正而利亦不失豈不一轉移間而品格即乎

一戒縱奸淫

淫為萬惡首古人垂戒深矣又云我淫人婦婦淫人又云見色而起淫心報在妻女讀此數言真堪悚懼至于上烝下淫倫亂姓與夫淫及寡婦閨女敗節生嫌尤為罪之大者下而淫惑娼妓名節雖較無關然耗散財

產荒廢職業卑污品格上有以差辱父母下無以誥誡子孫亦甚不可為也況此等淫女有錢則

親無錢則疎嘗見好嫖而窮者嫖女不復理答家中亦不能歸真可哀也此事敗家辱身關係甚大吾願已犯者急早回頭 未犯者謹防失足則萬惡可消而百善可為矣

一戒好爭訟

好勇強爭好勝健訟結仇怨破財產此害之甚明者況爭訟之事有勝必有敗有百勝者尤難保其必無一敗一朝挫折則前日之聲名盡喪而身家之受累者大矣諺云獵犬山中死將軍陣上亡玩此二語豈不大可懼乎若反此而能學君子無爭法朱公之戒訟則能忍能讓事綽有餘地豈不人人寔宜常目道終身無憂慮哉

一戒入黨會

結黨久會聯君子者少聯絡小人者多不可不慎也夫古大之交有善相有過相規即往來投贈亦不過吉慶吊之謂無謂黨亦無所謂會蓋植黨則必營私立會則必聚眾古今因此而得禍者不知凡幾小則為身家之害大則為宗族之憂願我族人慎勿誤人文近日亦有吃猾奉教者均非聖賢正道並宜切戒

一 戒行不法

不法之事固非一端其尤不可犯者如叛逆匪類盜孟賊窩藏或開設館賭場偽造契約票據與夫藉衆擔劫坐闌行克霸佔騙強姦拐帶等事及關生命財產一切不法行為家法所不容即國法所必究務宜常自謹畏到臨時則悔之無及至族內如有勢弱理正被人欺卡來族報告者自應設法伸雪以

顧族誼若虛報者查明公斥

以上十四條勸戒雖未周詳然勸中或寓戒戒中或寓勸分觀合看大概畧具凡我族人務望各自遵循善者聞勸而益勉以善不善者聞戒而亦遷於善則不獨一身一家之福乃合族之福也如有恃強不遵恬終不返者經其房長親屬查實報告定當以家法懲戒違者稟政府依法究治特

此合為刊布以便預知而免後悔